

3

5



Maguntinae

1786.

1. Braunschweig, Wendelinus: *Vindiciae libertatis  
sive jure detractus territorialis, quod ad bona  
nobilitatis imperii immediati, vinculo  
seruitutis vel muneris sublimi domini territoria-  
rii quondam abstracti.*
2. Cosmann, Friedrich Wilhelm: *Von dem jüngerem  
Mannskindzeichen Maximilianus I. bey Unter-  
zeichnung der Urkunden in kaiserlichen Reichs-  
sachen.*
3. Piemer, Stephanus: *De functionibus intra conu-  
scentiam restitutione*
4. Dorsch, Anton Joseph: *De Philosophia in  
deutscher oder lateinischer Sprache auf deutschen  
Universitäten vorgelesen sey?*
5. Hyslein, Antonius Franciscus: *De Maguntina. s. Libe-  
ria conjugum successione mutua.*

1786.

6. Molitor, Valent. Fides: Selectae quaedam quaestio-  
num juris controversarum Decisiones ex prae-  
scriptione haustae.
7. Schaub, Carolus Antonius: De fidejussore, qui, ut  
delictorem principalem se obligavit, beneficio ordi-  
nis gaudente.
8. Suter, Georgius: De poena, quae ob neglectam  
investituram renovationem in curio fundatus  
Germaniae hodie obtinet.
9. Soemmering, Sam. Th.: De perturbatione critica et  
crisi.
10. Frank, Caelestinus: In veram originem dogmatis  
Christiani d. S. Trinitate disquisitio theologica.  
antivoluntaria, in qua Trophi Priestleyi, Angli, haec  
de re potissimum sententia examinatur.

Wo.

L

j-

s

L

is

ll



176  
6. Seite von ...  
...  
7. Seite ...  
...  
8. Seite ...  
...  
9. Seite ...  
...  
10. Seite ...  
...









<sup>4</sup>DISSERTATIO 23  
INAUGURALIS MEDICA  
DE 1786, 3/  
FUNCTIONUM INTRA  
CONVALESCENTIAM  
RESTITUTIONE

QUAM  
INCLYTAE FACULTATIS MEDICAE  
DECRETO  
PRO GRADU DOCTORIS, SUMMISQUE IN MEDICINA  
HONORIBUS ET PRIVILEGIIS RITE CONSEQUENDIS,  
AD AUDIENDAM DEMONSTRATIONEM  
ANATOMICAM DISTRIBUIT

AUTHOR  
STEPHANUS DIEMER,  
BIERINGENSIS,  
IN AUDITORIO ANATOMICO

Die XXII. Mensis Martii MDCCLXXXVI.

—  
MOGUNTIAE,  
Ex Typogr. Elect. Aul. Acad. privil. apud Joann. Jos. Alef,  
Hered. Haefner.



PRAENOBILI


CLARISSIMO ET EXPERTISSIMO

VIRO AC DOMINO

D. CAROLO STRACK

MEDICINAE DOCTORI, EMINEN  
TISS. AC CELSISS. PRINC. ELECT.  
MOGUNT. CONSIL. AUL., PRAXEOS  
MEDICAE ET COLLEGII CLINICI  
PROFESSORI PUBLICO ET ORDI  
NARIO, FACULTATIS MEDICAE  
ASSESSORI, ET H. T. DECANO,  
ELECTORAL. UTILIUM SCIENT.  
ACAD. ERFORDENSIS ET REGIAE  
SOCIETATIS MEDICAE PARISIEN  
SIS NEC NON PRINC. HASSIAC.  
GIESSEN. ACADEMIAE  
SOCIO.





gu  
inc  
ut  
fea  
ta  
rec  
ber  
cip  
cen



*VIR CELEBERRIME!*

*N*on ideo quidem ego istam exi-  
qui voluminis operam, per quam  
incipio, Nomini Tuo subscribo,  
ut adulator laudes Tuas extollam;  
sed ut ipsa sub Tuis Auspiciis tu-  
ta appareat, simul & ut ea, quae  
recta certaue novisti, ingenuo, li-  
beralique animo fidenter nobis dis-  
cipulis tradidisti, spernens mer-  
cenaria arcana, incurius laudis,

VIR CELESTIUM  
A  
*Tempor Invidiae, Studiosus boni,  
semper idem facilis, atque conscius  
Veri, ridens infidias, calcansque  
calumnias, similiter Tibi reddam  
tanquam grati animi Thesauram*

vale!

sum Tuus non inglorius  
Discipulus

STEPHANUS DIEMER.

---

---

8

*PRAEFATIO.*

**F**rat hucusque in Academiis mos, ut, qui Doctoris gradum atque praerogativam consequi vellet, scientiae suae Notitiam typis palam ostenderet. Ita plurima hucusque ejusmodi specimina diversim ad nos pervenerunt; saepe intollerabilia! scilicet prout scribens quisque utile pulchrumque suum putabat. Ego in tantorum dissertationum farragine, tamque diversa opinionum contentione ut recti quid allaturus essem, diu apud animum meum haesitavi, quale argumentum, quod neque vulgare, neque tritum, sed communi hominum bono foret, utiliter agitare. His confidenter *de Functionum intra convalescentiam Restitutione* dicere aggredior, sci-

\* 4

licet

licet de qua re, quantum ego quidem  
scire potui, pauci ante nos locuti sunt,  
maximeque cum ista quidem Notitia  
plurimum conferat cum ad crifium  
cognitionem, tum ad morborum chro-  
nicorum curationem. Neque dubito  
fore Medicos practicos, quos solos,  
eheu paucos! natura ad recte obser-  
vandum aptos finxit, similia pluraque  
talia experta habere.

Quodsi fortassis de hac quidem re  
minus, quam per meam scientiam licu-  
erit, dixero; tamen mihi sufficiat nor-  
mam, viamque indicasse, per quam  
recte ad verum perveniri possit. His  
indicatis artifex Indagator quisque  
utique cætera inveniet. Ita fortassis  
utilis ero. Hoc est, quod scribam:  
freta vagae dissertationis inani amba-  
gine, & tempto furtivæ eruditionis  
fuco.

DISSER-

a) Ep





## DISSERTATIO

DE

### FUNCTIONUM INTRA CONVA- LESCENTIAM RESTITUTIONE.

**U**nusquisque Morbus modo longius  
modo brevius tempus suo curri-  
culo implet: hoc antiquissimi olim Medici  
in stadia distinxerunt, quos posteriores  
recte secuti sunt; tria tantum horum stadia  
Hippocrates posuit, „ est, ubi ex moderatis  
„ initiis augetur, & exacerbatur, & simul  
„ atque aliquantisper vigorem acceperit ad  
„ iudicium usque, sub ipsumque iudicium,  
„ rursus se remittit a), „ eum A. C. Celsus se-  
cutus

\* 5

a) Epidem. Lib. I. S. 3.



cutus est, *b*) idem Galenus sustinet *c*): Posteriores Medici quatuor stadia admittunt, sic ut inter stadium coctionis & criscos intermedium ponant, quod Perturbationem Criticam nominant: Cruditatis stadium est, in quo adversa materia corpus five ea exius ingressa, five intus orta fuerit, idem vitiat, sicque functiones lædit. Sequitur hanc operam alterum stadium, quod coctionis nomen accepit: intra id natura excitationis ita viribus in adversam hanc materiam liberalius (utique nunc minus impedita) agit, & pededentim temporis progressu magis magisque reagit, donec eandem conterat, & sic ipsam benignam efficiat, imposterum aptam exitui: ante istum exitum novæ oriuntur turbæ, quas natura excitat, quæ Perturbationis criticæ Nomen fortitæ sunt; istud tertium hodie stadium appellari jure meretur: sequitur quartum, quod criscos vocant. Atque talia quidem Acutorum

---

*b*) Lib. III. Cap. 2.

*c*) Cap. I. de totius Morbi temporibus.



rum Morborum stadia sunt *d*), quæ Medicus nosse ante debet, quam curationem instituit; absque ista Notitia vehementer peccant, qui Morbi Nomen nosse contenti sua remedia adhibent semper vaga & erronea, siquidem ut A. C. Celsus dixit (cujus rei non est certa notitia, ejus opinio certum reperire remedium non potest *e*).

Inter Morbi finem & perfectæ valetudinis initium medium quoddam stadium quintum distat,

*d*) Neque ipsa in chronicis Morbis, si bene attendimus, desunt. Siquidem ut olim Hippocrates dixit, Morbum chronicum, ut curationi aptus fiat, in acutum mutari debere. Quam quidem sententiam, quæ perpetua non est, libenter ii Medici recipiunt, qui sedulitatem fugiunt, & perinde calefacientia adhibent, scilicet ut febrim excitent, a qua curationem expectant, falsi in tali curationis apparatu per A. C. Celsi sententiam (sed est circumspècti quoque hominis & novare interdum- & augere Morbum, & febres accendere, quia curationem, ubi id, quod est, non recipit, potest id recipere quod futurum est, A. C. Celsus Lib. III. Cap. 9.

*e*) A. C. Celsus Lib III. Cap. 9.



distat, quod convalescentiæ voco, intra quod, quoniam vires magis, quam intra ipsum Morbum consistunt, multæ adhuc crises contingunt notatu maxime dignæ, quas Medici Philosophi prosequuntur, Mercenarii autem propter agrorum turbam non intuentur.

In universum autem nosse plurimum inter est, duas febrium crises esse, alteram febris, alteram materiæ, quam febris ipsa intus reliquit; prior crisis febris est, altera Materiæ, quæ intra reconvalescentiam expletur f); exempla doctos non latent.

Ista Crisium, quæ intra Convalescentiam contingunt, cognitio plurimum confert tum ad cognoscendos, tum ad curandos Morbos chronicos.

Intra Morbi cruditatem, coctionem, Perturbationemque criticam tum secretiones, tum excretiones retinentur, etiam post finem febris, imo intra crisin materiæ, quæ intra

---

f) Cl. Strack observ. medicin. de febr. intermit. pag. 42.



intra reconvalescentiam fit. Finitis omnibus istis omnia ea eliminantur, quae per ista impedimenta interea intus retinebantur. Ista actio vocatur Restitutio functionum g): de hac scribere visum operae premium est: maximeque cum ista Theoria non trita, sed perutilis esse videatur.

Res autem latius per exempla patebit. Qui propter febrim intermittentem, quoniam ea inveteravit, hydropici facti sunt, hi omnem aquam, quae intra Morbum convenit, urinae profluvio per se emittunt, posteaquam cortice Peruviano expuncta febris est h), quod & ipse exemplis doctus in vetula, quae tali hydrope affecta erat, expertus sum; sana evenit, expuncta per multum corticem Peruvianum febre largo urinae profluvio.

Qui propter vermes aut putridam in imo ventre saburram facti hydropici sunt, hi

ex-

g) Cl. Werlhof observ. de febr. pag. 230. 238.  
edit. hannov.

Cl. Strack c. 1. pag. §1.

h) Cl. Strack l. c. pag. 203.



expulsa putrilagine omnem hydropem min-  
gendo eliminant. Quibus dysenterici Mias-  
matis quidquam intus mansit, ideoque hy-  
dropici evenerunt, omnem aquam urina  
emittunt, posteaquam omnes dysenteriae  
reliquiae purgantibus remediis subtrahae  
sunt i).

Ridiculum igitur est, cum adeo diversae  
hydropis causae sint, omnibus in universum  
hydropis laborantibus similiter uno eodem-  
que remedio succurrere, drastice puta,  
aut diarrheticis.

Si Puerpera dysenteria corripitur, neque  
lac accipit; neque lochia emittit: excussa  
dysenteria lac recipit, & lochia, veluti a  
recenti partu fluunt; idem contingit in di-  
versis febribus. Intra dysenteriam contagi-  
osam singularis mucus per alvum secedit,  
stercora intus retinentur: finita dysenteria  
stercora sanorum similia secedunt k): simi-  
liter in eodem Morbo materia & perspira-  
tionis

i) Cl. Strack Tentamen de dysenter. p. 101.

k) Idem Tentamen de dysenter. p. 68.

tionis & sudoris retinetur; excusso Morbo sudor erumpit, qui suos Patronos sefellit.

Quae Nutrices lac ob febrim intermittentem amiserunt, expuncta per corticem peruvianum febre idem liberaliter recipiunt. Puerperarum lochia, quae ob febrim intus retenta fuerunt, submissa febre veluti a recenti partu erumpunt l): idem in pleuritide & omnibus febribus continentibus contingit; expulso namque Morbo omnes istae functiones restituntur m).

Si infantes lactentes compactos lactis grumos in intestino recto habent, & ideo eorum urina praecepta est, ibidemque dolent; hi extracta per Enema foece liberaliter minungunt doloris imposterum expertes. In quorum puerorum glandulas meseraicas miasma crustae lacteae se inclinavit, hi Nutritionis defectu contabescunt; expulso vero per violam

l) Cl. Strack observ. medicin. de febr. interm. Lib. III. Cap. V.

m) Idem Nova Theoria Pleuritidis verae.

olam tricolorem Linnæi miasmate, rursum impinguescunt & bene habent n).

Qui intra sanitatem sputa pinguia ejicere consueverunt, hi incidente febre continente nihil horum exspuunt; exspuunt autem post finitam febrim: simile contingit Phthysicis intra pleuritidem veram: excussa vero pleuritide similiter ut ante sputa ejiciunt. Sic sudor, qui per Morbum intus retentus fuit, ad exitum Morbi iterum liberalis erumpit o).

Intra asthma spasmodicum tussicula sicca est; finita asthmatis accessione bronchiales glandulae mucum, quem ante retinuerunt liberaliter eructant. Qui ob continentis febris ardorem crustam sanguinis inflammatoriam acceperunt, & ipsa intra convalescentiam cocta atque deposita in infimo ventre est, ibidemque diu residet, aquam intercutim saepe colligunt: hi subducta alvo plimum mingunt: ita pueri, qui febre scarlatina laborabant, si eorum crusta inflammatoria

o) Cl. Strack de morb. c. Petech. p. 149.

n) Idem de crusta lactea.



toria ex infimo ventre educitur, lectum contra consuetudinem impunes permingunt Naturae beneficio p): idem his contingit post quosque Morbos inflammatorios, si recta curatione habiti fuerunt.

Atque tales quidem intra Convalescentiam Restitutiones functionum sunt, quarum Notitia ad multorum chronicorum Morborum cognitionem curationemque viam pandit: non ipsae quidem crises ipsae sunt, quoniam Morbum non finiunt, sed finito Morbo contingunt q): possunt tamen nunquam ipsae crises esse, non Morbi quidem, a quo veniunt, sed vitii, quod Morbum secutum est; e. g. urinae profluvium, quod hydropem, qui a febre intermittente, vel a vermibus in infimo ventre nidulantibus, vel a dysenteriar emanat, sequitur, non febris, non dysenteriae crisis est, sed hydropis, quem priores Morbi excitarunt.

\*\*

Per

---

p) Cl. Metternich de urina ut signo p. II.

q) Idem l. c. pag. II.



Per haec & multa alia hujusmodi Exempla vero unicuique Medico Practico palam erit, quantum aegrorum salutis interfit, nosse, quae causa functiones turbet, qua ratione id, quod eas vitiat, tolli possit: ob quem attentionis defectum non adeo multi Medici celebres in cognoscendis atque curandis Morbis chronicis fuere; quorum plurimi absque tali observatione vana ac inania, atque a vero profus aliena medicamenta adhibuerunt: ob istam enim scientiae Penuriam & auxilii inopiam ea, quae intus contra Naturam remanent, corrumpuntur, corruptione universum corpus perfundant; & nisi causa cognita succurritur, aegrum jugulant: ita exempli causa hydropicorum aqua, quae intus remanet, postremo putrescit, neque putrefacta medelam admittit r).

His indicatis & ita constitutis opus esse existimo, ut Medici Practici non Morbos  
tan-

---

r) Cl. Huxham Vol. II. p. 275.




tantum, qui sunt, agitare studeant, sed & ut eosdem procul in convalescentiam prosequantur: verum (qui quaestui serviunt, quoniam is major ex populo est, libenter amplectuntur ea praecepta, quae sedulitatem non exigunt s).

---

s) A. C. Celsus.



pla  
am  
sit,  
qua  
sit:  
leo  
at-  
uo-  
ana  
me-  
sci-  
uae  
um-  
pef-  
tur,  
tro-  
tre-  
lam  
  
esse  
bos  
r-



Faint, mirrored text visible on the right page, likely bleed-through from the reverse side of the leaf. The text is illegible due to fading and mirroring.

155  
2



Mainz, Diss., 1786


ULB Halle  
005 822 564

3



1018

TA → OL



4

23

1786, 3/1

DISSERTATIO

INAUGURALIS MEDICA

DE

FUNCTIONUM INTRA  
CONVALESCENTIAM  
RESTITUTIONE

QUAM

INCLYTAE FACULTATIS MEDICAE  
DECRETO

PRO GRADU DOCTORIS, SUMMISQUE IN MEDICINA  
HONORIBUS ET PRIVILEGIIS RITE CONSEQUENDIS,  
AD AUDIENDAM DEMONSTRATIONEM  
ANATOMICAM DISTRIBUIT

AUTHOR

STEPHANUS DIEMER,

BIERINGENSIS,


IN AUDITORIO ANATOMICO

Die XXII. Mensis Martii MDCCLXXXVI.



MOGUNTIAE,

Ex Typogr. Elect. Aul. Acad. privil. apud Joann. Jof. Alef,  
Hered. Haeffner.



Farbkarte #13

B.I.G.

